


Desanburukalo san 2014

San 42nan - Boko 515nan

Songo = dorome 35



Kani 2015
kuluw ni ntolatanw
bolodacogo

Le 8

Kunnafonisében bota kalo o kalo - BP : 24 - Téléfoni : 20 21 21 04 Kibaru bugufiyé Bosola Bamako

Ebola kelela ka bo Mali kono

Nin ye kunnafoni ye min dara jama tulo kan taratadon desanburukalo tile 16 san 2014 kénayako minisiri Usumani Kone f, kunnafonidilajé dō senf a ka cakédia la.

Ebola kubennibaarada némogó dögotoro Sanba Usumani So, ni jamanakuntigi laadibaga fana don Ebolako la, o-tun b'a kénayako minisiri Usumani Kone f, kunnafonidilajé dō senf a ka cakédia la.

Kénayako minisiri y'a ka kuma damine ni bana in cogoya nafoli ye, ka mogow hakili sigi a ko la. A y'a jira ko bana in tun donna Mali kono sira fila f, k'a cooko Kayi ani Bamako. Sira folo sababuya bora mušomanin do la min be b' Kayi, o ye bana in soro a taalen Gine Konakiri jamana kan, ka na n'a ye Mali kono. Filan sababu bora Gine Konakiri Kuremalen alimami do la, aie tun nana furakéla la kiliniki Pasiteri la Bamako.

Minisiri y'a jira ko Ala barika la bi, ebolato si te Mali kono. Mogow minnu fana n'u tun magara ebolatow la walima ka géré u la, n'u tun mabora jama na walasa k'u sègesègè, olu bëe labilala; bawo kasaara in ma ye u si joli la.

Nka dñe kénayako tonba ka jatemine na, kòlosiliw ni jantonyerelaw ka kan ka to senna fo dögokun saba, o de y'a sarati ye.

Minisiri ka fo la, Ebola tun yera mogo 7 la an ka jamana kono, 6 sara, 1 kisira. Sabagato 4, sababu bora Kuremalenka in na. A y'a jira, jamanadenw k'u hakili sigi; nka u k'u janto u yere la fana; bawo jantonyerelaw kòrocogo ka ni.

Fen min ye noboli ni sègesègeli ye kiliniki Pasiteri la, minisiri y'a jira k'o ma jo. Sègesègeli kun folo kera, nka lameniw ni seereyaw be senna halibi. Baaraw mana dafa, sèbenw be ta k'u di jamana némogó ma u k'u ka keta ke.

Berema Dunbiya
Mahamadu Konta


KONKO BE LE 8 NAN NA

Minusima némogó kura kéra Mongi Hamudi ye

Djne seleke naani sorodasi minnu be ka basigi sabati Mali kono, a némogó kura kéra Mongi Hamudi ye. Ale ye Tinizi jamanaden ye. A be ka djne tonba Oni sekeretéri zenerali Banki Muni joyoro fa Mali kono.

Mongi Hamudi ye mogó ye min tun be Tinizi kókankow nénaboli la a mènnna. A bilali nin joyoro in na, o laseli kera Banki Muni yere fe jumadon desanburukalo tile 12 san 2014. Mogó don, min be Onidònko; Enzeniyeridion, nafoloko nedonbaa nana fana don. A ye san 25 ke baara la djne tonba Oni na.

Mongi Hamudi bilala Aliberi Zerari Kowendéri no na. Ale tun ye Holandia jamanaden ye. O welela a ka jamana f, k'a ke kókankow nénabobaa ye.



Ofisidinizeri y'a ka laadalatonsigi 34nan ke

Ofisidinizeri némogókulu y'a ka laadalatonsigi 34nan ke jumadon desanburukalotile 12san2014 Segu. A némogoya tun be cakédia in némogoba Ilyasi Dogolumu Goro bolo. Laje in kun tun ye ka kuma u ka san baarakénafolo kan. U folola ka san 2013 baaraw n'u musakasében fcéfésé ka ben o kan.

Ofisidinizeri némogoba y'a jira k'u ye sefawari miliyari 5 ani miliyon 500 min don baaraw dafé, o wolola min na, dōonin b'o miliyari 70 kan. Soro mumé min kera, o cayara ni miliyari 98 ye, k'a sababu ke mogó 653 ka césiri ye. N'o ye Ofisidinizeri baarakéda mumé ko ye.

San 2013 kanpani tun ye Ofisidinizeri ka san 5 baara (2014-2018) nesigili ye Ofisidinizeri ni goferenaman ani sènekélaw ce. Némogókulu y'o baara bolodalen in fcefésé ka ben o kan, géléya minnu soro jisóngow saralila ukumana olu kan ani banki minnu be Ofisidinizeri ka sènekémaraw kono oludatuguli ka kalo caman ke k'a sababu ke basigibaliya ye jamana kono.

Demebaaw nafoloko ni feerekow la, olu tun ye déme tige folo; o kolo yélenna baara keta caman na. Baara fen o fen tun bolodara, a bëe waleyali sennsumayara. Basigibaliya kelenin nesiranje f, yoro caman ma se ka

laben a tuma na. Taari 6.668 de sera ka laben san 2013 ka fara yoro labennenw kan.

San 2013 maloforo sénénemumé benna taari 115.300 ma. Malokaama toni 693.790 soro la o san 2013-2014 sene kanpani na. Sénénem suguya caman sénénem hukumu kono, komitéri sénénem taari 637 kan, kabaforo kera taari 120 ye, alikaamaforo benna taari 80 ma. Taari 8000 kera jababa forow, jaba misenninforow, tamatiforow, wosoforow, ganforow, forontoforow ani layiforow ye.

Ofisidinizeri ka san 2014-2015 sene kanpani na, a jigi be malokaama toni 771.845 soro la kan ka fara nakolafen, kaba ani komitéri toni 410.488 kan. Halini tijenifénw cayara forow kono jinan, malo kun folo minnu gosira, olu be mogó hakili sigi soro

la. Ko kura minnu kofora Ofisidinizeri kono, olu waleyali be ka tiime. Cikélaw ka banki (BNDA) min be Nónon, o ye yoro do kerenkeren jisóngosarayoro kama; o b'a to mogow kana na jo nogon kofe ka mèen kasorou ma se ka sarali ke. Sénékela minnu sonna pansiyoñsonorli ma n'ubolobora baara la k'a sababuké körye, oluka sèbenw ladonna Sonawi (SONAVIE), Kolina (Colina) walima lyenipeyési (INPS) la. Fen min ye jégélamara kécogo kura ye ni jikanjobaw ye, Ofisidinizeri be ka o don ba la kosebe. O siratige la, a bëna jikanjoba 180 wëre laben denmisén 500 ye. O bëna ke sababu ye, denmisén caman bolo ka don baara la, ka nafolo soro ani ka nogoya don jégéduita caman soro la.

Amagire Ogobara Dolo
Dokala Yusufu Jara

Nónon-Tumutu sira baara wulila

San fila ni tila kofe, cakédia min be Nónon ni Tumutu furance siraba dilan, o seginna ka baara damine. Hakililajigin na, sira in dilanni tun daminena san 2010 kono; nka a lajora k'a sababu ke géléya min donna jamana kono san 2012 konona na k'a damine o zanwuyekalo yere la.

Baara in musaka mumé be ben sefawari miliyari 129 ma; Gundamu ni Direyi furance dilanni musaka b'o la. Sira dilanta mumé kuntaala be se kilometrè 565 ma. Dugu minnu b'a furancew la, olu ye Nónon, Jabali, Dogofiri, Nanpala, Lere, Nafunke, Tonka, Gundamu, Direyi ani Tumutu.

Solomani Dunbiya
Dokala Yusufu Jara

Dukonobaganmara ye tönni dan bëe ye

N'i ye Mali dugu nögolenw sigi-sigi nögön kó, ni Jönön ma ye jöyörö föla, a bë ke filan na.

Ji nögow sigilen bë dugu fan bëe fe ani namanw. Dugumögöwyere delilen b'o la sa; u te mögo si degun. O ji nögow ni namanw n'u ta bëe, mögo caman bë ka baganw lamara u ka duw kono ka fara o kan. Baw, sagaw, faliw, sisew, hali misiw, nin bëe bë soro duw kono mögö kan. Kasa jugu wulilen ka jo duw kono ani dugu kono. Bëe delilen b'o kasa la mögo si te fura nini nögöko la.

Baganw lamarali duw kono Jönön dugu kono, o daminena k'a soro hali Jönön ma ke komini ye föla. Wa san o san, do bë ka fara nögö fanga kan. Nëmögö si ma dabali tige a këleli la; kasoro baganmara duw kono, o kololant te ka nesin hadamadenw ka kenye ma. San 1980 waati la faamaw ye wulikajö ke a dabilali la.

Olu tun ye yoro dö kerenkeren dugu kókan wéreko kama walasa mögöw bë se k'ka baganw laboduw kono ka taa n'u ye yen. Nka mögöw labanna ka duw jö yen, ka baganmara damine olu fana kono.

Jönön dugu kono, duw fiye man bon. UKelen-kelen kere naanisikelen janya te teme metere 15 kan. Mögöw ni banagw bë nögön kan o du kelenw kono. Dudaw ye misisiriyorow ni falisiriyorow ye, namanw fana bë ton yen. Tobilikedögöw, cencenw ani bogotonw yere be daw la fana. Fins b'o namanwyereke bölonw kono dugu nefe. Mögo döw ka baganw te siri walima ka datugu. Olu bë yaala dugu kono ka bolifentigiw temeni geleya siraw fe ani bölonw kono. Misi jugu döw yere be temebaaw tu; fo döw bë fatu o joginni sababu la.

Wa ni baganw koseginto sera ka bo kungo kono dumunikoyoro la wula fe,

dugu fan bëe bë ke gongon ye. Otuma o tuma gongonbacı bë se ka sogosogö jugu lase mögöw ma. A b'i n'a fo Jönönkaw delilen b'o gongonw na. Baganbo minnu bë dugu nefe, dimogobaw b'u sigi olu la. Dögötöro Usumani Dunbiya ka föla, o dimogow bë bana caman lase hadamadenw ma; i n'a fo kono boli ni sumaya. Dan ka kan ka sigi bagan maracogo la du kono. A cayalenba ka ke fila ye. Hali o la, u ka kan ka ladon ka ne ani k'u pikiri walasa ka mögöw tanga u nöfbanaw ma. Dögötöro Usumani ka föla halibi, saniya cakeda de ka kan k'a janto baganmara sariya labatocogo la mögöw fe u ka duw kono.

Mögo o mögo ye dan sagon o ka nangi. Meri nömögöw fana ka kan k'u joyoro fa a ko la ni sigidalamögöw kunnafonini an'u lafaamuyali ye sokonobaganmara kasaarawkan. Ani

k'u hakililajigin, ko duguba ni wulakonodugu cogoya te kelen ye baganmarako la. N'i ma ne dugubakonosigi kó, a sariyaw labatoli ye wajibi ye.

Meri nömögöwyere ka kan ka sigida n'a lamini minescogo jugu geløyaw don ka mögo tow lafaamuya. Meri la mögo min nesinnen bë sigida n'a lamini kunkankow ma, o ye Tijani Kulubali ye; ale y'a jira ko walasa ka fu siri sokonobaganmara dan na, föla ka kan ka ke sigidalamögöw kunnafonini n'u lafaamuyali la. Nka fen min yere ye baganw bilali ye u yere ma dugu nefe, meri nömögöw selen te ka dabali kerenkerennet tige o kama föla. O de la Jönönkaw na meen nin geleya in kono yanni fura jönönka sekasorodukonobaganmara la.

Seki Umaru Jalo
Dokala Yusufu Jara

Mali tun ye mögo minnu mine ko siga kelen b'u la kojugubake la, olu bilala

Faransi jamanaden to min tun bë kojugubakelaw bolo Sahelikungo kono n'o ye Serizi Lazariwisi ye o sörölen kofe, mögöw ka nunuñunu cayalen bë goferenaman nöfe. Sabula körönfekeler kónona na, Mali tun ye mögo naani minnu mine ni siga kelen tun b'u la kojugubake la, Serizi Lazariwisi kelen kera k'olu kunmabo. O kunnafo in mennen, hadamadenw ka hakew lakanani faranögönkanjekuluñe kono (FIDH), jekulu min be Mali kono ka nesin hadamadenw ka hakew lakanani ma (AMDH), musow ka jekulu min nesinnen be hakew lakanani ani yiriwali ma Afiriki kono (WILDAF), Amunisi Entérinasionali Mali, ka fara hadamadenya lakanani jekulu wërew kan, olu y'u ka nisongoja jira mögo naani ninnu bilali la goferenaman fe, n'o ye Mohamedi Ali Agi Waduseni ni Hayiba Agi Aserifu ye; siga kelen b'olu fila la kojugubake la. Usama

Beni Guzi ni Habibu Uludu Mahuludu, siga kelen b'olu fila fana na hadamadenw tönni na Mali kono. Nin mögo 4 de kera ka tubabuke kelen de kunmabo.

Hadamadenw ka hakew lakanani jekuluñinny'a jira ko Serizi Lazariwisi söröli kojugubakelaw la, odiyara uye, o benna u ma; nka a kunmaboli ni sigannamögöw ye, o de ma ben. Osiratige la, u b'a jini goferenaman fe, a ka fu siri nin nögöna waleyaw dan na. Hadamadenw ka hakew labatoli wulikajö bë senna waati min na dinfan tan ni naani kono, Mali ye nin waleyaw in de kë. Sigannamögö ninnu tun datugulen bë Bamakókura kasobonba la; u bëe bilala. Nindunte faamaw sije föla ye nin waleyaw la.

Fen min ye Mohamedi Ali Agi Waduseni ye, ale nögölen don ko fila la. Föla kiiri tun bëna damine. Filanen kono tun bë ka jenini. Mögo minnu taro garadi nasiyonali la san

2008 kónona na olu dö don, nka a ye Mali janfa ka fara körönfela mögo murutilenw kan. Mali sorodasiw tun y'a mine Gawo san 2011 desanburukalo tile 10. A tora u bolo föka se san 2012 marisikalo ma; u ka sörökan'a datugu Bamakó kasobonba la.

A no tun minnen don kojugubake la, a donnia ka kojugubake jekulu föla, ani mögöw mineni n'u nimatooroli la. Tubabu fila minnu minena Honbori san 2011 nowanburukalo tile 24, Serizi Lazariwisi ni Filipu Wéridon ye, fo u labanna k'o Filipu Wéridon faga san 2013 kónona na, o ko bëe labenbaa tun ye Mohamedi Ali Agi Waduseni ye.

San 2014 zuwenkalo tile 16, a ni Hayiba Agi Aserifu ye ben-ben-ben siri ka boli ka bo kasola. U k'o bolili in kónona na Mohamedi Ali Agi Waduseni de ye mugu ci kasobon garidi föla k'o faga, n'o ye lasidan

Kola Sofara ye. O min tun b'a fe k'a künben a kana se ka bo. Kola Sofara somögöw tun sera hadamadenw ka hakew lakanani jekulu ma Mali kono (AMDH), a k'u deme k'u ka mögo fagali jeninini ke.

O kera san 2014 zuwenkalo tile 24. O jeninini baara tun donna Bamakó komini sabanan kiiritgeso bolo.

San 2014 zuluyekalo tile 24, Mohamedi Ali Agi Waduseni söröla kokura Mali sorodasiw fe Bamako, Hamudalayi Aseyi demili kono. Fo ka se a bilali ma sisan, a tun be lamara la gundomayoro föla min te kasobonba ye bilen. O y'a sörö desanburukalo tile 4 san 2014, Bamakó kiiritigesoba tun ye Hayiba Agi Aserifu, Usama Beni Guzi ani Habibu Uludu Mahuludu bila.

Silame dansagonmögöw togolakiitigela tun ye Huka-Huka ye. Ale minena Faransi sorodasiw fe k'a datugu ka laban k'a bila ten, sen in na Mali sorodasi minnu tun ye Mohamedi Ali Agi Waduseni n'a jenögon saba minebaa ye k'u datugu Mali fana labanna k'olu bila ten. Osiratige la, a bë jini faamaw fe, u ye nin waleyaw in kë ka da kun min kan, u ka jefoli ke jamanaden tow ye. N'o te hadamadenw ka hakew lakanani jekulu Mali kono (AMDH), o jemögö Metiri Mukutari Mariko ka föla, Mohamedi Ali Agi Waduseni, Hayiba Agi Aserifu, Usama Beni Guzi ani Habibu Uludu Mahuludu bilacogo fe kojugubake kolokolo, ka sariya labatobaliya kofe jamana kono.

Sidi Yaya Wage
Dokulu Yusufu Jara

Mali ye hadamadenw ka hakew labatoli laada latilen

Laada labatora. San o san desanburukalo tile 10 ye wulikajö don ye dije kono ka nesin hadamaden ka hakew labatoli ma. Mali ma to ko o la.

Ale b'a ta ke ni lajeba ye Bamako, lajekesoba la min na fanga bë wele k'a jininka a ka mögo tönnönen fe demokarasi kono, n'o bë wele tubabukan dajë surun na Eyide (EID).

Jinan ta kera Eyide sigiko 19nan ye. Mögo minnu ka bisigi la u tönnöna fanga fe, o seben 284 ladonna k'a jinika ka hakew ka lasegin u ma. San 2013 Eyide la seben 177 ladonna a kama, san 2012 ta tun ye 110 ye. Jinan ta seben 284 na tilance bora marayörö la min te Bamako faaba ye.

Fen min ye lajiniseben ninnu mumë ye, 23 kalanna

kene kan, 180 kunnafo tun ma dafa, da ma don 131 kuma na nin sigili in na. Jekulu kerenkerennet min sigira senkan Eyide in labenni kama, o jemögötunye Mahamadu Sisoko ye. Ale y'a jira ko lajiniseben minnu kalanna kene kan san 2013, olu nesinnen tun bë minsiriso minnu ma o minisiriw y'olu jaabi, o n'a ta bëe, ta ma mene sisi ma bë a döw kunkan bilen. I n'a fo izini min jora mögöw sigiyoro la n'a bë wele Sodema Esi A (SA). A jirala k'o izini in ka fen dilancogo kololo ka jugu mögöw ma, k'a tun man kan ka jö mögömayoro la.

Lajiniseben wërew söröla jo bë minnu bolo; nka halibi olu ka hakew selen te ka segin u ma föla.

Solomani Dunbiya
Dokulu Yusufu Jara

Jonya kōnen don, nka halibi a bē ka sinsin ni feere kuraw ye

Lamerikenjamana dēmedonjekulu min be wele angilekan na Wōlikī Firi (*Walk Free*), o'yā jira ko mōgō miliyon 35.800.000 bē jonya la dijē kōnō san 2014 in na. A ka jateminew y'a sementiya, ko jōn hake min tun bē dijē kōnō san 2013 kōnōna na, kēmesarada la 23 farala o kan. O ma sōrō dōwērē fe fo jonya cookocogo mōgōw kunna, o feere juguw ko.

Tōnba min be dijē kōnō ka nesin baarako ma n'o ye Oyite (*OIT*) ye, o ka fō la, jonya ye ka mōgō dō bila baara dōla i yērē kelen ka nafa kama, k'a bagabaga ni nangili suguya dō ye n'a banna baara in kēli ma walima ka boli. A tigi sago t'a yēre la, kumada t'a ye. O nangili dō bē se ka kē sara tigeli ye sarati dō kōnō, genni ka bō baara in na, bugoli walima fagali yērē.

Dēmedonjekulu Wōlikī Firi ka laselisēben kōnōna na, a jiralenbē, ko jonya bē jamana 162 kōnō dijē na, sira saba fe : jonya feerelakēcogo kura mōgōw fe; denmisenniw furuli

ani mōgōw nōgōnmīnēcogo jamana kōnō ani jamana kōkān.

Fēn min ye jonya feerelakēcogo kura ye, o tun nēsinnen bē mōgō miliyon 29.800.000 ma san 2013 kōnōna na. O hake sera mōgō miliyon 35.800.000 ma san 2014 kōnōna na. A ka ca jamana minnu kōnō olu ye Moritani, Hayiti, Pakisitan, Endujamana, Nepali jamana, Mōlidawi, Benēn, Kōdiwari, Ganbi, Gabon, Senegali, Gine Konakiri, Sudan, Burukina Faso, ani Nizeri. Jonya feerelakēcogobējamana minnu na, Mali b'u joyōrō 35nan na dijē kōnō. A ka jugu kōsēbē Endujamana, Siniwajamana, Pakisitan, Nizeriya, Ecopi, Irisijamana, Tayiland, Kongo Demokratiki ani Bengaladesi. N'i y'a mōgō miliyon 29.800.000 kēmesarada, 76bējamana 10kofōlēn ninnu na.

Jonya feerelakēcogo fanga man bon jamana minnu na kōsēbē, olu ye Danemariki, Fēnlandi,

Lukusanburugu, Nōriwēzi, Suyēdi, Suwisi, Nuweli-Zelandi, Uruwayomu-Ini, Irlandi ani Isilandi.

Jonya feerelakēcogo la halibi, o mōgō hake min be dijē kōnō, n'i y'o kēmesarada, 16,36 bē Afiriki Sahara worodugyanfan fe.

Jateminew y'a jira, ko Afiriki Sahara woroduyanfan ni Azi Gun mōgō caman taayorōye Arabujamanaw ye. Yen mōgōw dun bē dunanw jōn minē. Musow bē minēkojuguya la yen ani denmisenniw diyagoya furuli. U bē musow minē ka bila yērēkunfeere ani baara wērew la wajibi la.

Halibi mōgōw bē bange jonya kōnō. Uy'o jonya insorōciyen ye u mansaw fe. U mansaw minēna kēleyorō la walima ka bin u kan k'u minē ka taa u kē jōnw ye. Cē b'o la, muso b'o la. A dōw bē batonbaw kōnō mōnikelaw bolo, dōw bē mōgō wērew bolo u ka duw kōnō. O jonya suguya in ka ca kōsēbē Afiriki tilebinyanfan fe ani Azi gun worodugyanfan fe.

Mōgō dōw fāra y'u nēn don u mōgōnōgōw kōrō, k'u nata ni nafo lo walima baara dumanw ye, ka taa n'u ye tunga fe. U selen kō k'u bila jonya la. Mōgō caman y'a yērē sōrōcōmōdō murutilen dōw-ka, kēlēkēkulu kōnō o cogo la. Dōw bilala yērēkunfeere la walimadonitaw; dōw yērē wajibi furula o cogo la. Segincogo t'a caman bolo joona. A bē fō-ko musaka min donna i laseli dafē yen k'i b'o n'a tōnō sara i ka baara in na. N'i bannā k'obaara kē i bē gosi, n'i kō i bē boli, ub'a fō-ko n'u y'isorōibolilēn ub'i faga. Musomannin ni cēmānnin caman coronnen bē dijē nēfē nin cogo la.

Dēmedonjekulu Wōlikī Firi ka laseliseben b'a jira, ko denmisendama min be kakawosēne na mōgōw bolo Kōdiwari jamana na o ka ca. N'i y'u kēmesarada 59 bōra Burukina ka sē yen. A tō bōra Mali ni Kōdiwari kēfējamana wērew la.


**Alihuduru A. Mayiga
Dokala Yusufu Jara**

Gōfērenaman bē ka lakōli kominoteri wēlēma a ka bolo kan

Dabali minnu tigera jamana fe walasa mōgō bēs ka se ka kalan, o dō ye sigidala lakōliw ye; n'u bē wele tubabukan na lakōli kominoteri. Olu ye lakōliw ye, dugu, cakēda dō, dēmedonjekulu dō walima koperatifu dō bē min dayēlē. Lakōlidensomōgōw de bē sigi ka mōgōw sugandi, minnu bē kē a nēmōgōjekulu mōgōw ye. Lakōli kominoteriko daminēna Mali kōnō kōjini san 1987 waati la San ni ugūnīn sērēkiliw kōnō. U ni gōfērenaman ka lakōliw cogoya tē kelen ye. Olu bē kalanko minisiriso ka mara kōnō. Kēnyērēye kalansow fāra tē. Olu nēmōgōya bē u dayēlēbaaw bolo.

Dugu o dugu n'a se b'i ye ani n'i hamiyē denmisenniw ka kalansorōlē ye nōgōya la yanni gofērenaman ka lakōliso dayēlē i fe, o bē se ka lakōli kominoteri dō dayēlē a yērē ye. A yērē b'a ka karamōgōw ta k'u sara. Ka kalankeminēn wēlēma a yērē ye, ani k'a hakili to kalanso inna alaminilasaniyalī la.

Jateminē na, lakōli kominoteri karamōgō fanba ye mōgōw ye, minnu



Lakōli kominoteriko daminēna Mali kōnō kabini san 1987 waati la

ma se ka kalan kūn filanān tēmē. K'a ta kalanso 7nan na ka se 9nan ma, i b'a sōrō u bōra lakōli la k'u to olu dō la. Dugu denwyērē de ka ca ula kōsēbē. U ka kalosara bē kē ni warije walima sumanw ye.

Jamana ye sariya dō ta san 1994 desanburukalo tile 30. Obeyamaruya dilakōli kominoteri dayēlēli la. A waati

ia an tun b'a men jamanakuntigi kōrō Alifa Umaru Konaré ka kumaw na kōsēbē, ko dugu kelen-kelen n'a ka lakōli ka kan. K'o bē kē sababu ye ka lakōlikodēsē nōgōya jamana kōnō.

A san damado ye nin ye, gofērenaman bē wulikajo la walasa ka lakōli kominoteri wēlēma a ka bolo kan, ka karamōgō wēnamaw

lase umā, minnu yēlakōlikaramōgōya nēdōnni kalan kē. O de kosōn an bē don min na lakōli kominoteri 2.032 minnu bē Mali kōnō, 1.777 wēlēmana gofērenaman ka bolo kan folo.

Mali ka dugumakalan nēmōgōsoba Onef (*ONEF*) kuntigi dō, Madamu Ayisa Waleti Mohamēdi y'a jira ko geleya caman bē lakōli kominoteri kan. N'o ye lakōlikaramōgōw saraw sōrōbaliya ye duguw fe, karamōgō ninnu yērē ka faamuya dōgōya ani u senkōrōmadonko hake dōgōya kalan nēmōgōyaso. Kapu (*CAP*) yērē fe. Sabula mōgō kelēn dōrōn de bē Kapu bolo a ka marayōrō lakōli kominoteri bē kama. Ka fara baarakēminēn hake dōgōya kan lakōli ninnu na.

Madamu Ayisa Waleti Mohamēdi ka fō la, gōfērenāman b'a fe ka mōgō 392 ta lakōli kominoteri karamōgōw la ka bila kominiw-foroba baara la san 2014-2015 kōnō. O tali sēgesēgeliw tun bē sennabkaban jamana kōnō. Nka n'u yē karamōgō min ta komini min kōnō, orbe to baara la o komini kōnō yen.

**Sidi Yaya Wage
Dokala Yusufu Jara**

Yōrōso depitesigikalata kērenkērēnen diyara Adema na

Kalata kērenkērēnen in jaabiw bōra ntēnēdon desanburukalo tile 1 san 2014, sariyasunba labatolibulon nēmōgō Amadi Tanba Kamara fe.

Mōgō hake min tōgō sēbēnna wote kama, o kēra mōgō 87.459 ye. Mōgō hake min wotera tigiti, o kēra 24.071 ye. Isa Zēribo de ye wasa sōrō; ale ye lakōlikaramōgō ye min taara lasigili la (eretērēti). Depite min fatura, n'o ye Daramani Goyita ye, a n'o bē tōn kelen na, n'o ye Adema ye.

Kalata kērenkērēnen in na, Isa Zēribo ye mōgō 12.093 sōrō, o bē bēn kēmē

o kēmē 51,74 ma (51,74%). A ni mōgō min tun bē nōgōnā, Poli Sise, o yē URD tōdēn ye; o yē mōgō 11.279 sōrō, o bēnna kēmē o kēmē 48,26 ma (48,26%).

Kalata in senfē, wotesēben gansan hake bēnna 699 ma. Wote-dagalen hake bēnna 23.372 ma.

Wote tako filanān Isa Zēribo ni Poli Sise ce, o kēra nowanburukalo tile 23 san 2014.

Solomani Dunbiya / Mahamadu Konta

Sariyako taabolo kelen be kononafili ye Kolokanin mara la

Ka kene ni Sariyakow minisiri Mohamed Ali Bacili ka nefoliye kiiriko cogoya kan, min be Kibaru boko 513nan ne 3 la, ne be ko kelen daw nefs Mali faamaw ani Kibaru kalanbaaw ye, minnu kera Kolokanin kiiriso la.

A fora ko n'i y'a men k'i be surafen kelle, i b'a kelle k'i jigi dalen to sariya kan, k'i jigi dalento sariya bolibaaw kan. Kosariya bolibaawye jamana mogoba daw ye. A fora fana ko boda te Mali la, n'a ma ke sariya labatoli ye.

Kolokanin serékili kono, no jelen te ka ke dege ye de!

Korolen sanni desantaraliazason ka na, komandan ni garadi tun be taa nisongokani dugunidugu. O cogo la, Jiwoyo meri ka san 2014 in nisongokani senfe, nisongokanina, o ni garidike taara dugu do la nisongokani na. Mogo do sorola yen, min banna a ka nisongo sarali ma. Faantan dun te. Mogo don, min ka



Arafayeli Balaba Jara

nafol noggona te mogo were bolo sigida la.

Dugutigi denke bilala garidike ne ka taa nisongo kani na a ka so. U fura a ko. A tun taalen be dugu do la. Nka o don kelen, a koseginna. A folen a ye ko garidike sera a ka so nisongo nufe, o ma ben a ma. A nana garidike bagabaga kosebe, ka laban k'a sebekoro dogoya. A ko garidike ma, k'o sirannen be mogo murutilenw (erebeliw) ne koron fe ka na ale tooro. Ko marifa min be garidike bolo,

kale be sek'ognogonna caman san; sabula k'ale ye nafolotigi ye.

Tile damado o kofe, a ye dugutigi denke wele bonya ni karama kono k'ale mako b'o la a ka so. O taalen a ka wele laje, a sinna ka bere ta k'o sebekoro walon fo k'o jogin. Dugutigi denke joginnen taara Kolokanin dogotorosoba la furakelli la. Dogotorosoba k'olu te se k'a furake; k'a ka sin ka taa Bamako. A tun joginnen don a kunkolo la. Tuma min na a furakera, Bamako dogotorow ye waati do dantigae ye, a kana baara ke fo k'o dafa. A ye samiye ke ten a ma se ka sene ke.

Garidike ye pilenti don kiirlsola. Dugutigidenke fana y'a ka pilenti don. O furance la ce min ye nin-ko ninnu ke, a taara a ka nisongo sara. Garidike labanna ka taa a ka pilenti mine kiiriso la k'ale ta banna.

Kiiritigela min ye ko damine, o mitera (yelemana

yoro were la). A tun ye kiiri sumaya ni kiiridonw ceceli ye ka bo a dogekoro siye caman. Nka a tun labanna ka kiiri tige dugutigi denke ko. O kiiri tige cogo file: Ce min ye dugutigi denke bugo, k'a ni san 2 kaso ka kan, nka a juru be don a la. N'a ye waleya jugu were ke yanni o san 2 ka dafa, a no be mine o la. N'a jo ma ye o la, a b'a fila bee kaso ke.

Dugutigi denke min tonona nincogola n'a ka furakeliwari dama ka ca ni sefawari dorome 10.000 ye, kiiritigela ko alimani dorome 5.000 be sara o ye.

Meri ka nisongokanina taara a ka nisongoya jira kiiritigela la o ka biro kono. A ye zandaramusefu wele o yoronin bee la; o nana nisongokanina mine ka taa o datugu kaso la.

Arafayeli Balaba Jara
balikukalankaramogdon,
meri dankan folo fana don
Jiwoyo, Kolokanin mara la

Poyi : Mali nedda kura

N ko, Mali ko,
n ko dankan kura
N ko, Mali ko,
n ko hakilila kura.
N ko, Mali ko,
n ko bi basigi ni sini basigi.
Kunun Malidenya,
Bi Malidenya,
O kisa be cogo di?
Malidenw de falenna wa?
Malidenya de donna bogi la wa?
Jogo ! jogo ! jogo !...
N kasikun file.
Ne hamikun file.
Ne jorekun file.
Sini te dilan bi hakilila numan ko.
Mali nedda kura te menemene,
a' ka cesiri ko.
Mali nedda kura te saniya,
a' ka n niya numan ko.
A' ye wuli, a' ye wuli,
Benso ka di.
A' ye wuli, a' ye wuli,
nunu te sanfela sorojuru ko.
A' ye wuli, a' ye wuli,
Maliba nedda te yelema,
A' ka fasodennumanya ko.

Burema Keyita
ka bo Kucala Akademi na

Nsiirin : Ny'a da sonsannin ani surukuba la



Faraban Balo

Don do la kongo ganna surukuba la fo ka damatem. A yaalato kungo kono, a ni sonsannin benna. A ko sosannin ma, k'o k'a ke Ala kama, k'a to ale k'a dun, n'o te ko kongo be nini k'ale faga. Sonsannin ko surukuba ma, o te baasi ye, nka ale fana b'a nini surukuba fe, a k'a to sini na. Sini sogoma u ka noggon soro nin yoronin kelen in na yan; ale be sogo di a ma a k'o dun. Surukuba sonna o ma.

Surukuba nisondiyabaato korotora dugu jeli koro. A ye namaw ce ka taa olu ton koronyantfanfe katsuma don o la k'i sigi. Ko ni sonsannin y'o yeelen ye a b'a fo ko dugu jera.

Sonsannin tun be waraba denw yoro don tu do jukoro.

Den saba tun y'o ye. Don folo la sonsannin fura waraba ko tu jukoro k'o den kelen ta k'o faga, k'o boso ka n'o sogo di surukuba ma o y'o dun. Don filanankera ten, donsabanan kera ten. Fo ka waraba denw ban dunna surukuba fe.

Sonsannin feere ka bon. A ye waraba den folo min faga k'o boso, a y'o wolo ke kulusi ye. Ka den filanan wolo ke duloki ye, ka den sabanan wolo ke fugula ye. A y'o kobilan di surukuba ma o k'o ke a ka jamakeyorotaafini ye.

Waraba bora a ka tilesabayaalayoro la ka fo a denw ko tu jukoro. A y'u nini ka dese, a m'u ye. A ne bilenna i ko joli cilien b'u kan. K'a to a denw ninini na, a ni sonsannin kumbenna. Sonsannin ko waraba ma, mun y'i ne bilen tan?

A ye sonsannin jaabi, ko ale dusu kasilien don. Ko do y'a le den saba bee faga, Ale t'o tigi don. Sonsannin k'o be mogo, ne bilenkun bo.

Nka ale b'a nini waraba fe, a ka kungosogo bee wele laje la; n'o kera a b'a denw fagabaa don. Sonsannin y'o fo a ye cogo min na, a y'a ke

ten. Ayekungosogo bee wele k'u ka na laje la ale ka so. O benna jumadon do ma. Kungosogo bee nana wele laje fo n'a kera surukuba ye. Sonsannin ko waraba ma, sogo bee sera fo n'a kera surukuba ye. K'ale b'a yoro don.

Sogo tow ye sonsannin ci surukuba ma.

Tuma min na sonsannin sera surukuba bara, a k'a ma, k'a k'a ka kobilan kura don ka na, k'o noggona te soro mogo si bolo. Surukuba y'i pari waraba denw wolow la ka tugu sonsannin ko. Sonsannin be ka donkili da ka surukuba diya don a yere la.

Surukuba b'i pan ka puruti; fo a be to ka sonsannin mine k'ofilisanfe k'okunben. Tuma min na surukuba sera lajekyoro la, waraba ne da a denw wolo kan surukuba la, do farala a ka nebilien kan. A godora ka da surukuba kan. U ye kungokolo fan bee ke senno ye. Surukuba ko n'ale ye sonsannin soro don o don, ale b'o kene nimi.

Faraban Balo
ka bo Fuladugu-Kotuba,
Kita mara la

Negela be mogo ke mogoto ye

Negela man ni. Siramugu, tabadaa, sigareti, dolo, te ani dorogu, ninnu ye negelaw ye. N badenw, sira ka jugu mogo ma. Mogo jugu folo dugukolo kan, oy'a negelawye. Negela be hadamaden halaki k'a bo a cogo la k'a ke mogoto ye.

S i g a r e t i m i n n a , tabadaaminna, dojominna, olu b'i n'a fo daga sigilen ka tasuma don a koro k'a tobi k'a n'a korofen bee mo jogon fe. A dow monen be fin; dow be bilen. A dow yere moda be ke joli ye, fo ka nen ta. Negela be witamini ban mogo fari la, k'a toli k'a to kufetaama na.

Negela mana don mogo la ka se hake do ma, a te se ka dumuniba ke bilen, a ka banaw be caya. A laban kafonogonya be geleya a ma; a fanga be ban pewu. Negelatigi te son ye; nka son dogonindon. Sabula ni negela



Burama Berete

songo t'a kun waati min na, a b'a muso walima a balimaw ka wari misenw ta u ko so kono. Negela songo ninini be mogo bila nkalontigie la. Mogo b'a fo a ka negela in bila. A te dowsere fo, ko nben a bila. Nka delinako bila man di don kelen negan ye. Mogo y'a yere jugu ye.

Burama Berete
ka bo Diyu,
Kajolo mara la Sikaso

Kibaruseben be bo kalo o kalo juma laban na. Mogo be se k'u hakili to o waati la ka taa u ka Kibarusebenw nefe u soryocrow la

Kalankene n° 148nan : Konorow jeciw

Konorow mana noro dañe na a kofe, u b'a koro jiidi cogo min na, an bëna o nefs nin kalankene in kono.

ba : n'ale norola togo la, a b'o jidi, k'o labonya.

Misali : Héreba : yan, «ba» b'a jira ko hère jn kéra nimisiwasa dan bëe ye.

Baga : bë tugu wale la ka walekela kofe.

Misali : tabaga (min bë taga, min taara)

Bali : bë tugu wale la, ka togo do bange ka ntanya kofe.

Misali : miiribali (mogo te miiri)

Ka : bë noro togo la ka boyoro jira.

Misali : Bamakoka (mogo min bë bë Bamako)

La/na : mana noro togo min na, a b'o waleyabaga fo. U bë noro hake (hakeyalan) fana na ka da jira.

Misaliw : ntolatanna (mogo min bë ntola tan).

duurula (fen min songo ye duuru ye) baarakela (min bë baara ke, min bë baara kan k'a ke).

Lama/nama : bë noro togo la ka cogoya

jira.

Misali : bololanegé warijelama ani sanunama.

Len/nan : Wale bë ke ni fen min ye, a b'o jira.

Misali : fifalan (filali bë ke ni fen min ye)

Landi/nandi : bë noro mogo, kunani ko la, ka togo were bange.

Misaliw : moglandi (mogoko ka di mogo min ye), kunnandi (kunnadiya bë mogo min nöfe, kolandi, min b'a yere ke ko tigi ye).

Lango/nango : bë noro mogo ani kun na, ka togo were bange.

Misaliw : Moglango (mogoko man di mogo min ye, kunnango (kunnadiya te mogo min nöfe)).

Len/nen : bë noro mankululan na ka cogo jira. A bë noro wale fana na k'a jira ko wale kera kaban (wale temen).

Misaliw : jelen (fen min jelen don). A seginnen (wale temena)

Li/ni : bë tugu wale la k'a ke togo ye, ka wale keli fo.

Misaliw : Foli (ka mogo fo), sumani (ka fen do suma)

ma : bë noro togo la ka cogo jira

Misali : nonoma (nono bë min na)

man : bë noro mankululan na, ka cogo jira bilenman (min ne bilennen don)

nci : bë noro togo do la, k'a jira ko togo in waleyabaga b'a ke ni damatemé ye.

Misali : Tugubaganci (mogo min b'a yere kalalafili tuma bëe)

nin : bë tugu togo la k'a dogoya jira.

Misali : lefénin (lefé min ka dogo)

ntan : bë tugu togo la ka togo were bange min bë togo cogoya jira.

Misali : mogontan (mogo te mogo min bolo)

ta : bë tugu wale la ka togo do bange, k'a jira wale in bë boli min k'an.

Misali : feereta (fen min bë feere)

to : bë noro togo la k'a cogoya jira.

Misali : murat (mura bë mogo min na)

ya : bë noro togo la ani mankululan ka cogoya jira.

Misaliw : bonya (cogoya jirala) horonya (cogoya jirala)

M. Konta

Dukene n° 122nan :

An bëna mun to an denw ye sini? (2)

Anw bimogow, an minnu bë dogobatige la ka kungo lankolonya, ka kungo jeni k'a halaki, an ka kan ka hakili soro. An minnu bë ka dugukolo bëe feere dunanw ma, an ka kan ka hakili soro. A minnu bë ka forobafen ke an kelen ta ye, ka tow kunmani a ma, an ka kan ka hakili soro. An minnu bë ka denmisenninw ka dinelatigé don bogø la, an ka kan ka hakili soro. An minnu bë ka jamana kalanko nagami, k'a tijé, an ka kan ka hakili soro. An minnu b'an ban k'an ka denbaya were musaka ta, ka taa denbaya were musaka ta kenema, an ka kan ka hakili soro. An minnu kelen bë k'an ban baara ma, k'an ta ke dakisunogo ye, k'an ta ke sonyali ye, k'an ta ke binkanni ye, walima yerekunfeere ni yuruguyuruguw, a' y'a to an ka hakili soro. N'an ma hakili soro ka segin an ko, an bëna mun to an denw ye sini?

N'i ye dugubaw laje, sango Bamako, i bc to ka dögötönbaw ye, a döw bë kulu kundama bo. Kalo 1 doron, olu bë jeni ka ban pewu. San kono, o nogonna caman bë jeni jamana duguba caman kono. Balawu te dijne kono ka teme o kan. Bëe je b'a la, bëe sen b'a la nka mogo te fen fo, mogo te ko ke.

N'i ye Mali dugubaw laje, sango Bamako, i mana taa sugu o sugu la, i bë saribonborew tonnenye nogon kan, i bë saribon tonnen ye duguma i ko kulu. Tile damado, i bëna a soro, o bëe sanna k'u jeni. San kono, o nogonna caman de bë jeni jamana kono. O nogon balawu te an ka jamana kono.

Bëe je b'a la, bëe sen b'a la, nka mogo te fen fo, mogo te ko ke.

O saribon ninnu bë bo mun na?

Jiriw.

O dogoba ninnu bë bo mun na?

Jiriw.

O jiriw bë bo minni? U bë bo an ka kungokononaw na. Jönw de b'o jiri ninnu tige? Maliden ceman ni musoman. Jönw de b'e k'u mako je o dogow n'o saribon ninnu na? Maliden ceman ni musoman.

A ka kan, an ka hakili soro ten sa de?

N'anye kungo jiri bë tige k'u ban, ni kungo lakovonyara, jön no don? An yewer te wa? An bëna mun to an denw ye sini?

Jiri hake min bë halaki san o san, o nogonna jiri te turu. Hali ni jiri turula, sanni a ka körbaya ka se makoneni ma, o te manamanako ye.

Jiri jenamaba suguya caman bë ka tunun bi. Fölo, u tun k'a ca, sisan u bë ye kelen-kelen, wa fo i ka taa kungo jan na.

Fölo ani bi, an ka wulakonduguw kono tobilikdögo minnu bë bo kungo kono, olu te kungo halaki. Bawo, olu ye dogo jalanw de ye minnu salen don. Musow b'u kari, ka taa n'ye so, k'u don dagaw koro, ka tobili ke ani ka jiw kalaya.

Fölo, numuw tun bë taa kungo kono, ka sigida makonfenw tige jiriw la, ka soro u ma kungo halaki.

Bi, jiritige kera halakiliye. Togodaw la, dugumumde bë wuli, ceni muso, denmisén ni maakoro, ka jele da u

kan na, ka taa dogo feereta ninini na.

Dugujoli-joli bëanka dugutaasirabaw dalá, minnu lakodonnen bë dogofereduguw ye, minnu lakodonnen bë saribonfeereduguw ye. San waati bëe lajelen na, i te fo dogosiruw k'o o dugu ninnu na, i te fo saribonborew k'o o dugu ninnu na. Dugumogow bannen bë baara bëe ma, fo dogoko ni saribonko. Bëe je bëe nin ko ninnu na, bëe je bëe nin tijéni ninnu na. U kòlòlo ye mun ye? Ja, kongo ni minnogo ani saya caman.

Nka fura b'a la de. Ji ni kungo tigilamogow bë yen, olu ka baara ye kungo n'a kónofénw lakanani ye, ani kungo laku rayali. Bi-bi in na, demokarasi sababuya la, kungo ye meri de ta ye, sigidalamogó bëe ta don. Sariya y'a wajibya meri ka dan sigi kungo halakili. Kungolakurayali n'a lanenamayali ni jirituw ye, ni bagaw ni sogowlabugunniko numan ye, o bëe ye meri ka baara ye.

K'a fo 'o dugubaw te se ka balo ni dogo ni sarijonte, o te se ka laje bilen; bawokasaara barika bonyara kojugu. Gazi ni ku'an, a ka kan, dugubakonomogó v'ku wasadon olu la ten sa, ka dogo ni saribon jenini nogoya ani k'a dabila jiw.

Jiribolow tigeli te mogow bo bilen, jiri ju tigeli, a to kera o de ye sisan. Jiriw ju be tige ka dunuw dilan, ka jirimaaninw dilan; ka taa u feere nansarajamanaw kono ani ka sow bili. N'an ma hakili soro ten sa, an bëna mun to an denw ye sini?

Mahamadu Konta

Makorobaro : Ka denmisén wosi ke i ta ye

Wari, nafolo, soro, hère, ninnu bë ka jini sisan ninicogo bëe la. Bi, denmisénw deselen don u ka hake belebele do la k'o ke mögökunba döw taye: Ka denmisénw labaara labaarako cejugu bëe la, walasa ka wari soro a la, ka nafolo soro a la, ka hère soro a la. Nin waleya jugu in bë dijne fan tan ni naani bëe kono. Hake don min lagosilen don kosebe.

N'an taara Konowari, nin wale konnen in dankenemayara yen kosebe nin san damado kono.

Mali denmisén caman de kéra jagofen ye, minnu taalen bë bila jonyabaaraw la Kodivari jiriforow kono. N'i y'u si hake laje, k'u taacogo laje, ka se u ka baara ketaw ma, i b'a don ko hadamadenya o, diine o, sariya o, ninnusima nin wale keli daga walima k'a yamarruya; bawo baganya si ma teme a kan.

Ni baganya bë boli hadamaden kan, kuma te denmisén ma, a b'a hakili bë a la. O tuma, danfara si te ke denmisén ni bagan ce. O njogon tijéni te.

Warikoto ninnu mana se ni denmisén ye Kodivari jiriforow kono, a fölo, denmisén te taayorodón a yere la sangon ka boli. Filanan, a bë taa foro la su, wa a bë segin su. Sabanan, a bë baara min ke, o sara te di a ma. Naaninan, hine min bë denmisén n'a bangebaaw ce, o hine t'a la. Minéko numan, lafiya, o koni kerebeté. Nin ko dama-dama de bë denmisén ke mögökunmayelemanen ye, k'a ke mögöto ye.

Nin de ye ko mögökunbaw b'u da turu denmisénw joli la k'a min, ka denmisénw wosi ke u ta ye, walasa olu ka wari ka jidi, hali ni denmisén bë kunmayelema, hali ni waliden bë ke mögöto ye a ka dinelatigé tò kono.

Adowla, denmisén ninnu bë sonya ka taa n'u ye. Adowla, u bangebaaw yere de b'u don mögö bolo, o ka taa n'u ye.

Denmisén mago sara. A bangebaaw mago sara. Tijéni don min te se ka kiime ka se a dan na. Bawo wale fen o fen de bë kodonbali halaki ka da a ka kodonbaliya kan, sariya b'o wale kón, ka denmisén lakana, k'a tanga. Yamaruya te mögö bolo ka denmisén wosi ke i ta ye.

Nin ye hake ye min ka kan ka to denmisén ye, ka da a ka denmisén ya kodonbaliya kan.

An ka njogon dëme walasa denmisénw bë kisi mögöw ka wale juguw ma, wale jugu minnu kun ye u ka nataboreba falijen nafo la.

Karamogo Daramani Tarawele
«Ko y'an bolo denmisén ka ko»
Kalan Diya »

Furusa min musaka be se sefawari miliyari 497,5 ma

Harolidi Hamu n'a muso Suye Ani ka furu sara. O furusa in kera sababu ye ce in bëna sefawari miliyari 497 ani miliyon 500 sara a muso furusalen in ye. Petorliko cakédaba min be Lameriken jamana na Harolidi Hamu y'o némogoba ye. Suye Ani fana be baara ke yen. Kiiritigelaw y'a jira ko n'a ma ne ko furu be sa u ni nögön ce, ce in be nafoloba kofelen in sara a ye. Utun furula nögön ma san 1988. Den fila b'u ce.

Musakaba kofelen inna a yemiliyari 11 sara kaban. A bëna miliyari 161 ani miliyon 500 sara yanni san 2014



Harolidi Hamu n'a muso Suye Ani

in desanburukalo tile 31 ka dafa. O mana ke, k'a damine san 2015 zanwuyekalo tile 20 na, kalo o kalo a be miliyari 3 ani miliyon 500 sara a ye. O musaka min be sara kalo la, a b'o sara yanni kalo ka tile 20 teme. Kiiri koni tigera o kan; nka Harolidi Hamu be se ka weleli ke kiiriso la kokura ni kiiritigékan in ma ben a ma. Ce si hake be san 58 na, muso ta san 56 ye. Nka sinamuso b'a la. A tun ye ce muso filanan ye. Lamerikenjamana nafolobatigibaw la Harolidi Hamu be joyoro 33nan na.

Dokala Yusufu Jara

Kunnafoni surunw

Siniwajamana ye fölo ye nafoloko la dijës kono

An be don min na i ko bi, Siniwajamana be joyorofölo la nafoloko la dijës kono. A temenä Lamerikenjamana na. O'y'a nokanda ye bi. N'i ye dijës nafolo kemesarada, 16,5 ye Siniwajamana kelen ta ye; Lamerikenjamana ta y'a la 16,3 ye.

Walasa ka jamana fanga dòn nafoloko la, dijës waribonba be jamanaw ka se jatemins sanniko la. N'a be fo o ma Pepeya (PPA). O Pepeya in de be jamana ka se jira nafoloko la. Kafe be songo min na Niyoriki Lamerikenjamana na, a b'o songokelen na Pekèn, Siniwajamana faaba la.

Lamerikenjamana tun ye joyorofölo e ro kabini san 1872 waati la. O'y'a oró Angilejamana de be ten kan. Ale y'o joyoró mine a la. Siniwajamana fana y'ale bo golo kan san 142 nafolobatigya kofe. Siniwajamana tun yenin joyoroföloja, nini kabini san 2013 kona na; nka a sementiyara san 2014 in kono. Siniwajamana ka nafolo mumé tun be se dolariwari miliyari 4000 ma a ka jagokun dama na.

Dinewarikomabennicakeda Efemi (FMI) ka jatemine na, san 2019 ka kan k'a soro Siniwajamana ka nafolo hake sera dolariwari miliyari 26.800 ma. O b'a soro Lamerikenjamana ta te teme miliyari 22.000 kan.

Senegali jamana na, alimami do ye seliba ke kaso la

Djëc wariko nata, segen jugu walima hakilitijé, nin jumen kelen ye Jorika alimami soro ninan seliba nekoro? Senegali dugu min be wele Jorika, o alimani ye seliba ke kaso la; sabula a y'a dankan alimami falako

jogin ni muruye ökutoburukalo damine na san 2014. A tun y'a jini ka fiye böda di a ma, a ka taa seliba k'a ka so; kiiritigelaw ma son o ma.

Alimami ni alimami falako ce kele ma soro doweré nöfe sefawari döröme 200 k'o. Omintun ka kanka dia limami falako ma furu do sirili musaka la. O ye laada ye morifurusiri fen o fen be ke Jorika misiri la, musakanin be di moriwa ma. Nin don in na, wari min soro furusiri musaka kama, alimami falako niyoro tun be ben döröme 200 ma o la. Alimamiba ma son k'ale niyoro di a ma joona.

Tuma min na alimami falako taara a kani a niyoro la, alimamiba y'o ke kele ye a fe, fo mögö donna u ni nögön ce. Alimami falako taara a da misiri fan do fe ka sunögö; sabula ale bolo kele banna. Alimamiba nana bala a dalen na ka muruturu a la, k'a jogin. O fana y'a wele fanga la seliba temenen in nekoro.

Kodiwari jamana na, yerékunkalifala do y'a jatigiw den sonya

An ka nsana do b'a fo, ko «don-ni-n-jugu-ce-basi» mana mögö min faga, hali a tun k'i to i jugu fölo bolo. Okutoburukalo kono san 2014, Wiliyamusiwili kin kono Abijan, dakabanako kera Jenebu n'a furuce la.

Setanburukalo tile 29 san 2014, musodoy'a yere ke kamanaganbaats ye ka don Jenebu kan u ka du kono, k'o ka ne ale ma k'a bisimila tile fila kuntaala, yaani a k'a hakili fara nögön kan, ka soro ka taa a somögö tow jini. A tun be makaritökumaw fo, neji jalén t'u b'a neđa la. Muso in hinena a la k'a bisimila k'a soro hali a ce ma na ka bo a ka baarakeyoro la fölo. Tuma min na a ce nana, Jenebu ye nkalon tige o ye k'a temenmuso don, ko kamanagan b'a la, o ka ne ale ma k'a bisimila yanni tile fila ce. Muso in yecogo ma

ce diya; nka a sonna a muso ka balimaya jigitugu kama. Jenebu furuce togoye Musa. Jenebu nkalon bëna ke a kala ye. Arabadon okutoburukalo tile fölo san 2014, Jenebu ye daraka duman dilan. Dunamusoy'a sebekörofa ola jami, k'i sigi i ko fen ma ke. Nege kanje 13nan waati la, Jenebu y'a da ka sunögö, a den si be kalo fila hake la, o dalen b'a kerefe. Dunamuso fana b'u koro. Tuma min na a kununna, a m'a den ye, dunamuso fana te yen. A k'era qejna k'o taalen be a sennayaala ni den ye doonin. Aye fan bee don nögön na fo ka su ko a ne ma da u kan. A ye kule damine i n'a fo a da ka fara. Ce nana; a ye jon-ko-Ala fo. Tile fila u b'a la ka den jini, a kunnafoni ma soro. U te dunamuso dòn, ut'a tögödön. U k'oni y'a k'olosi, ko a nekiliw ka bon ani ko jolifon do b'a kan na. Polisiw ye segesegeliw damine o taamasiyew kan.

Binkannikélaw kundalen be kôlakanin mara kan

A te teme kalo 6 walima 7 nögönna kan, binkannikélaw taara sira da Tumanibugu sugujolaw ne fo u ye mögö fila faga; ka teme k'ataa Manden Nci ka buguba la, k'o yere sebeköro gosi k'a jogin, k'a ka nafolo ce ka taa n'u yere ye.

Sibiridon nowanburukalo tile 30 san 2014, binkannikélaw taara sira da Darali sugujolaw ne Falaje ni Darali furance la. U ye mugu ci mögö döw la k'olu jogin, k'u ka nafolow bo ú kun ka kene miné.

Sibiridon fana desanburukalo tile 6 san 2014, sufenege kanje 20nan temenen kofe ni sanga 20 nögönna ye, binkannikélaw taara Tusana, ka Kasa Jara belen a ka du kono. Tuma min na du den tilala surfanadun na, binkannikélaw ninnu donna u kama. O y'a soro mugukan gannen be du fan bee fe. Mögö te don, mögö te bo. Döw y'u suuru Kasa Jara kan, döw y'u

Ala kana nkalonda mögöla, min nitijë bolen be nögön fe

Lamerikenjamana dugu min be wele Kilewelandi, denmisennindotun ye nkalon da ce do la. A ka kiiri tigera k'a ni fagali ka kan. A donna kasol a fo ka san 39 soro o la. Nka nowanburukalo kono san 2014, tije bangera, fagali ma bo tuguni. Ce in tögöye Uruwayiki Jakisoni, Lameriken finman don. An be don min na, a si hake be san 57 la. San 1975 konona na, cénin san 12 do tun ye nkalon da a la k'a ye mögöfaga ke. Sisan a fana kera baliku ye. A y'a jira ko ale de ye nkalon da a la; n'otale m'a ye, a m'a men k'a ye mögö faga.

Nin y'a sijë fölo ye Lamerikenjamana kan, mögö ka nin nögönna sancamanba soro kasol a. A tun föra ko Uruwayiki Jakisoni n'a jenogöndöye ce do bugo, ka asidi seri a kan, ka laban ka mugu kanje fila k'a la. Dumunifeneere mangasa do tun be a bolo, a tun nanen don tile feere kelen wari miné. Ko Uruwayiki Jakisoni ye mugu ci mangasatigi in muso fana na k'o jogin.

Cénin do de y'a fo k'o tun ye Uruwayiki Jakisoni n'a balimake ye. U minena k'u datugu. San saba o kofe, u ka kiiri tigera. Uruwayiki Jakisoni jangira k'a ni fagali ka kan. A ye san 39 ke kasol a yanni ka se a fagali ma. Nka kosa in na, tije bangera. Cénin min ko ale y'u ye, o yere labanna k'a jira k'u te, k'ale de ye nkalon da u la.

Tuma min na a labilala ka bo kasol a, a y'a jira ko yanni i ka jigi i binyoro la, i ka jigi i talonyoro la. A ko polisiw de ye cénin darodon, a k'a fo k'ale de ye waleya jugu in ke. Dokala Y. Jara

wasa don a ka denbaya to la. K'u gosi k'u jogin kosebe.

Sigidalamogö si ma se ka na deme don u la, sabula kelekemarifa juguw b'u bolo. Ni finitigiw yere te, mögö yansan were te se k'u kunben.

Nka mögö y'u seko ke. U ye negejuru ci fan caman fe. Telefonikanwsörlö, Kôlakanin mara zanadaramaw ye wulikajow ke. Nsonbuguzandaramawsera k'utegë da mögö fila kan binkannikélaw ninnu na; a tòw ye dan ke.

Kasa Jara yere ka fo la, binkannikélaw'ale ka so kelen-kelen bee wögöbe. U taara ni nafolo hake min ye, Kasa k'o ka ca ni sefawari miliyon 4 ye. U k'ubora Gine Konakiri ka na ale de fagali kama. A ko mögö minnu binna ale kan, u kumakan b'a jira ko fulaw don.

Soyibajan Jara ka bo Kôlakanin
Wôljedo, Nonkonkomini na Kôlakanin

Mariamu Tarawale kera Mali musomanniyu na cewnumanba ye ninan

ORTM su n'oye Mali musomanninw na cεjumanba sugandili su nənaję ye, o tun ka kan ka kε ka bεn ni nowanburukalo tile 21 su ye san 2014. Nka a bora a dögökörö k'a ke desanburukalo tile 5 san 2014. O yelemani in lajnini tun kera Kunnafonisoro, kunnafoniko ani kumajəgɔnya minisiriso fe. A koni tun ma bén ORTM baarakelaw ka lafasaliton ma. Nka ulabanna ka bén a la k'a to desanburukalo tile 5 in na. Fɔnjogɔnkɔ kun tun yebaarabilà (gεrefu) dɔ ye, ORTM su tun bε bεn n'oye.

Sungurunnin jiraw bannen kōfē, jalatigelaw bēe bennna kelen ma. Ninōrō 4 sēbennen tun bē musomannin min ka fini kan, n'o ye Mariyamu Tarawele ye, n'ale de tun sugandira ka ke Kulukōrō misi ye, o kera ORTM ka san 2015 misi ye. A bē wusuruko dōnniya sōrōlī kalanso 5nan na. Asihakē bē san 22 la. Akundama ye mētērē 1 ni santimetērē 72 ye. A girinya ye kilo 52 ye. Janjigiya fana dasilen tun b'a la. Oladiyalifen tun ye sefawari dōrōmē 50.000 ye; o donna a bolo ORTM nēmōgōba Bali Idirisa Sisōkōfē. Mariyamu Tarawele ka kuru



Mariamu Tarawele cemance la


sorolen mume benna 250,75 ma.

Misi ORTM nokanda fôlo kera Mariyamu Sunbunu ye. Ale ka kuru sôrôlen mumé bennna 234,50 m. A şî hake be san 20 na. Nimoro 12 tun sèbennen b'ale ka fini kan. Ale de tun sugandira ka ke Bamako misi ye. Mariyamu Sunbunu fana be

kalansoba la. Misi ORTM nökanda filanankéra Nbarika Waleti Abudulayi ye. A ka kuru mume benna 224,75 ma. Ale de tun sugandira ka ke Segu misi ye. A bë lise kalanso laban na; a si hake bë san 18 na.

Aminata Dindi Sissoko Dokala Yusufu Jara

Dökkilidala Fantanin Ture fatura



Madamu Danbelé Fantannin Ture
fatura Pari san 2014 desanburukalo
tile 3 k'a si haké to san 50 la. A tun be
sancaman boyensa. Malidónkilidala
janaw do tun don. A ka janini tun
nesinnen be Mali seko ni dónko
sankorotali ma.

Fantanin Ture tun furuce ye Abibu

Danbeləs ye; n'a bə wele Ginba Nasiyɔnali. Ngoglonbola nana y'o ye. Fantanin tun ye mögɔ lakođonnenba ye seko ni dɔnko kono. A tun bə dɔnkiliw laben k'u da. Alibomu saba b'a togo la : «N ti Waari», «Bosola» ani «Benkan». Nenajekelawka jekulu min bə wele Bamakɔ kunkan, ale de

y'o sigi senkan. Ginba ka Fantanin, n'o y'a welecogo ye a tɔnɔgonw fɛ, a bangera Bosola Bamako. Dugu in kin kɔrɔba dɔ̄ don.

Malika seko ni dɔnko san filajenaje n'o ye biyentali ye, o baaraw tun bɛ damine sigida la, ka se serekiliw ni erezɔnw ma, fo ka na a kunce Bamako. Fantanin ye dɔ kɛ a bɛe la, k'a ta san 1978 na ka se 1986 ma. A kan diyacogo a ka alibomu fɔlo kɔnɔ, o ye jenajekela Salifu Keyita sama a nofɛ, k'a wele ka fara a yere kan ka alibomu dɔ dilan a yere ka baarakeyoro Wenda Porodikison na. Fantanin ye janjo caman ke jamana kɔkan yanni ka se a n'a furuce ka Faransisigi ma. A ye joyorow fa Seki Umaru Sisoko ka filimu (siniman) fila kɔnɔ; n'o ye Siya ani Zenesi ye. San 2008 a ye musow ka jekuluba dɔ sigi min bɛ wele Bamako kunkan. O jenajeba bɛ ke san o san; ninan ta yere ka kan ka ke san 2015 zanwuyekalo kɔnɔ.

A. So / Dokala Yusufu Jara

Kani 2015

w n i n t o l a t a m

o l o d a c o g o

- Kulu A : Gine Ekatoriyali, Burukina Faso, Gabon, KongoBarazawili.
- Kulu B : Zanbi, Tinizi, Kapuwéri, RD Congo.
- Kulu C : Gana, Alizeri, Afirikidisidi, Senegali.
- Kulu D : Kôdiwari, Kameruni, Mali, Gine konakiri.

Ntolatanw bolodacogo

Sibiri zanwuyekalo tile 17, Bata:
Nege kanje 16 : Gine Ekatoriyali ni
Kongo,
nege 19 ; Burikina Faso ni Gabon.
Kari zanwuyekalo tile 18, Ebibeyin :
nege kanje 16 : Zanbi ni R. D. Kongo,
nege kanje 19 ; Tunizi ni Kapuweri.
Nténén zanwuyekalo tile 19,
Mongomo : nege kanje 16 : Gana ni
Senegali,
nege kanje 19 ; Alizeri ni Afiridisidi.
Tarata zanwuyekalo tile 20, Malabo :
nege kanje 16 : Kodiwari ni Gine
Konakiri,
nege kanje 19 ; Mali ni Kameruni.
Araba zanwuyekalo tile 21, Bata:
Nege kanje 16 : Gine Ekatoriyali ni
Burikina Faso.

Burikina Faso,
nege kanje 19 ; Gabon ni Kongo.
Alamisa zanwuyekalo tile 22,
Ebibeyin :
Nege kanje 16 : Zanbi ni Tinizi ,
nege kanje 19 ; Kapuveri ni RD
Kongo.
Juma zanwuyekalo tile 23, Mongomo
Nege kanje 16 : Gana ni Alizeri,
nege kanje 19 ; Afirikidisidi ni
Senegali.
Sibiri zanwuyekalo tile 24, Malabo :
nege kanje 16 : Kodiwari ni Mali;
nege kanje 19 ; Kameruni ni Gine
Kari zanwuyekalo tile 25, Bata :
nege kanje 18 : Gabon ni Gine
Ekatoriiali / Kongo ni Burikina Faso,
o be ke Ebebiyin.
Ntenenzanwuyekalo tile 26, Ebebiyin:
nege kanje 18 : Kapuveri ni Zanbi /
RD Kongo ni Tunizi, o be ke Bata.
Tarata zanwuyekalo 27, Mongomo:
nege kanje 18 : Afirikidisidi ni Gana /
Sénegali ni Alizeri, o be ke Malabo.
Araba zanwuyekalo tile 28, Malabo :
nege kanje 18 : Kameruni ni Kodiwari /
GineKonakiri ni Mali, o be ke
Mongomo.
(O be ke ntolatan kun folow bannen
ve).

SAK, SAKA DESAKBURUKALO KIBARU KONKO

- № 2 : Mali tun ye mögo minnu mine ko siga kelen b'u la kojugubake la, olu bilala
 - № 3 : Goferenaman be ka lakoli kominoteriw yelema a ka bolo kan
 - № 4 : Batakiw
 - № 5 : Kalankene n° 148nan : Konorow jesiw Dukene n° 122nan : An bëna mun to an denw ye sini? (2)
 - № 6 : Farafinfurakelaw be sukarodunbana juguya
 - № 7 : Furusa min musaka be se sefawari miliyari 497,5 ma